

ARUBA Y SU MONEDA

Segun historia den temponan remoto nan tabata uza cocolishi y cuenta como medio di pago. No tabata existi placa, manera nos conoce awendia. Te rond di 1800 Aruba a conoce e "guillotín", su forma triangulo ta indica cu e tabata un dollar parti na cuatro.

Na e mesun tempo tabata tin un moneda yama "patin" cu tabata un peso of 8 real. Tambe tabata circula valenan di papel envez di placa y e valor tabata na "sol" e moneda peruano.

Masque cu na Curacao nan a introduci e placa Hulandes, Aruba si a keda uza e peso cu tabata alrededor di 2 Florin y na 1827 a bira 1,335 Florin.

Mas despues e placa Hulandes tambe a worde acepta na Aruba, esakinan tabata tin skirbi ariba nan "Koninkrijk der Nederlanden". Despues Antiyas a haya su propio moneda cu tabata tin e inscripcion "Munt van Curaçao".

Te rond di 1950 e monedanan a worde traha cu "Nederlandse Antillen" ariba

nan. E temponan ey tabata tin fuera di Florin di plata un Florin di papel tambe - un billete cora.

Tambe F.2.50 tabata bin na un billete. Esakinan a desaparece despues.

Tempo cu Aruba a haya su Status Aparte, Gobierno a introduci tambe e placa Arubiano cu ta e "Florin". Kiermeen cu sea bo ta papia Hulandes of Ingles bo mester bisa por ehempel "Drie Florin" of "Three Florins" y no gulden of guilders.

Ariba e placanan di papel tambe tin diseñonan di:

Afls. 100,- UN DORI

Afls. 50,- UN SHOCO

Afls. 25,- UN CASCABEL

Afls. 10,- UN CALCO INDIAN

Afls. 5,- UN TURTUGA BLANCO

Aruba tabata tin un number especial pa cada moneda of combinacion di cierto cantidad di placa. Quizas ta poco hende ta kico e nificacionnan aki ta: